

四庫全書

集部

欽定四庫全書

集部

文苑英華卷四百二十四

二至

詳校官庶吉士臣柳遵祖

助教臣常循覆勘

總校官進士臣朱鈐

校對官中書臣胡紹基

膳錄監生臣劉耀馥

欽定四庫全書

文苑英華卷四百二十二

宋 李昉等 編

赦書三

尊號赦書一

開元二十七年冊尊號大赦制 孫逖

門下

一作勅

古之執大象建皇極者必稽彛訓而受鴻名

所以應乎天而順乎人也朕嗣守丕業二十七年受命之初既膺明號尚多祗懼已謂崇高而公卿宗子緇黃

耆艾披誠瀝懇詣闕上言僉以為乃聖乃文祖宗大烈
恭惟纘服必在欽承願以休名施于薄德抑而不許凡
已十年爰迨于今又陳八請上迫奉先之義下稽從衆
之言將存至公不可固拒以今日敬依大號曰開元聖
文神武皇帝勉從典冊良增感懼惟新之號既不私於
朕躬非常之澤宜並一作普覃於率土可大赦天下自開
元二十七年二月七日昧爽以前大辟以下罪無輕重
已發覺未發覺已結正未結正繫囚見徒常赦所不免

者咸赦除之自開元已來諸色逋負痕累人等咸從洗滌令許自新所司更不湏以此為累其有別勅停官及亡失爵者放歸不齒之類量加收叙左遷官及諸色流人並稍量移近處朕每念黎甿常恐失所救其困乏所貴一作必在及時比來諸州或有損處所在賑給例逼春農比及奏報又淹時月既無救於懸絕亦何成於惠養自今已後每年至秋收後即宜遣使分道宣慰仍與採訪使及州縣相知巡檢百姓間或有乏絕不自支濟者應

須蠲放及賑給便量事處置訖奏聞天下百姓宜放今年地稅州縣官月料往緣錢有濫惡致損於人或徇私者多得罪亦衆所以改支庸調將便公私聞百姓之間加織造若以此勞弊又非得所自今已後宜各以當道所鑄充其月料古者三載考績黜陟幽明允叶大猷以勸天下比來諸道所通善狀但優仕進之輩與為選調之資責實循名或乖古義自今已後諸道使更不須通善狀每至三年朕當自擇使臣觀察風俗有清白政理

著聞者當別擢用宗廟致敬必先於所在神人所依無
取於非族深惟至理用切因心其應緣太廟五享宜於
宗子及嗣王郡王中揀擇有德望者令攝三公行事其
異姓官更一作吏不須差一作令攝其草澤間有殊才異行

文堪經國為衆所知不求聞達者所在長官以禮徵送
皇太子璵男宜並封授官卻王守禮寧王憲各與一子
三品官其内外文武三品已上賜爵一級四品以下各
加一階長公主及嗣郡王各與一子官郡主縣主各放

一子出身二王後及諸方蕃客宜各賜物諸致仕官量與進放依前致仕天下耆老百歲已下版授下州刺史婦人版授郡君賜粟五石綿帛五段九十已上版受上州司馬婦人版授縣君賜粟三石綿帛三段八十已上版授縣令婦人版授鄉君賜粟兩石綿帛二段京城父老宜共賜物三千段道僧等賜物一萬疋天下觀寺六齋日宜轉經讀典懲惡勸善以闡文教赦書有所未該所司類例處分率土之內賜酺五日五嶽四瀆名山大

川自古帝王忠臣義士並令州縣致祭其有亡命山澤
挾藏軍器百日不首復罪如初宣布中外咸使知聞主
者施行

文武孝德皇帝冊尊號赦書

長慶元年

元 稹

門下昔我高祖太宗化隋為唐奄宅區夏包舉四海全
付子孫其事何哉彼昏盈而我勞敬也明皇承之能大
其業六戎八蠻罔不貢奉由是庶尹弛政庶吏弛刑視

人不勤視神

一作盜

不謹燕寇勃起洞無藩籬六十有七

年兵革大熾其事何哉據逸安而易萌漸也逮我聖父
勤身披攘斬斷誅除天下略定曾是幽冀賜予懷來荷
賴景靈丕訓不墜環歲之內二方平寧粵予何功時帝之
力而卿大夫猥以大號加于眇身讓于四三益甚其請
皇太后始聞其事歡然慰心慈旨下臨臣誠上迫祇受
大一作典禮凜乎余懷尚念昔者七十二君莫不升中慶
成自以為堯舜莫已若也然而不為堯舜之行者來代

無傳焉朕嘗推是為心不欲名浮於實今卿大夫謂我
為文武孝德矣其將何道以匡予予其業業兢兢日慎
一日慕陶堯虞舜之行以自勉思文祖憲考之道以自
勤予苟不思無忘納誨於戲溢美之名既不克讓及一作
潤物之澤夫何愛焉可大赦天下

一作皆唐大詔令

大中二年正月三日冊尊號赦書

編制

門下我國家披皇圖以立極執大象以升中睿父嗣孫

詔令作睿
嗣神宗

重熙累盛逮予稽古聖孝紹復中興洗滌宿

氛廓開昌運天命不易賜予元符荷宗社之耿光致寰

瀛之小泰干戈載戢風順雨時北狄來賓西戎効職

詔令

作豈予菲薄汔此肅清皆中外元僚文武多士同心協

贊而使之然益用兢慙以戒盈滿而乃累陳丹懇願上

鴻名牢讓不從瀝誠彌切於戲昔賢有云舜何人也我

何人也苟或讓之不遂予亦敢不思齊今百執事謂予

曰聖敬敢忘湯武日躋之詩謂予曰文思敢忘放勛欽
明之典謂予曰和文敢忘保大之功謂予曰光孝敢忘
繼志之義以是自勗庶無悔焉浮實之名既不獲已乘
春之澤當務惟新可大赦天下自大中二年正月三日
昧爽已前大辟罪已下已發覺未發覺已結正未結正
繫囚見徒罪無輕重咸赦除之惟正犯十惡五逆已上
故殺人及官典犯贓不在此限持仗行劫必欲害人苟
遇支敵即行殺戮捍逆追捕肆意奸克不懲此流無以

除惡并故殺人者雖以自今已後稍更廣求如有未曾
任刺史縣令居然有誠略才術為衆所推者亦任於諸
色人中選擇為兩省官周之宗盟寔惟封建漢之子弟
亦謂犬牙廣盤石之宗增維城之固當今源流遠大枝
葉蕃昌王室子孫不合布素宜令本司檢尋譜牒明驗
房從貧窮不濟未有身名者每房放一人出身如有父
見在朝門蔭可自補身名者即不在此限應諸州府縣
等納稅只合先差車牛優長戶近者多是權要及豪富

之家悉留諸縣輸納致使單貧之人却須僱脚般載從
今已後須令有車牛豪富人戶送太倉及州府輸納其
留縣並須先饒貧下不濟戶如有違越節級官吏重加
科殿所在逃戶見在桑田屋宇等多是暫明東西便被
隣人與所由等計會推云代納稅錢悉將砍伐毀折及
欲歸復多已蕩盡因致荒廢遂成閑田從今已後如有
此色勒鄉村老人與所由并隣近等同點檢分明分拈
作狀送縣入案任隣人及無田產人且為佃事與納稅

錢如五年內不來復業者任便租佃人為主逃戶不在
論理之限其屋宇桑田樹木等佃人逃戶未歸五年內
不得輒有毀除砍伐如有違犯據根口量事情科責并
科所由等不檢校之罪諸道州府應欠開成三年終已
前因水旱不熟貸借百姓及軍用欠闕借便度支戶部
鹽鐵錢物斛斗積欠相承日月既久百姓或無本戶長
吏累又改更全無本色可以支填所司徒有徵索之名
終無送納之日虛繫簿書宜並放免三公僕射不常除

官每至上時須有聚會委以府縣即須擾人宜令度支
戶部勾當局席便取京兆府本色錢充不得令府司差
配百姓吏部去年冬選人如聞多緣文字差錯所司駁
放既添員闕亦可矜容若非身名踰濫及欠選欠考并
準格不合收外其餘委吏部與重磨勘量收待殘闕比
遠注擬上已重陽曲江宴會自有本色伍伯貫錢費用
之間不合欠闕每聞差配百姓不免擾人從今已後宜
令京兆府先與度支鹽鐵計料據所用一物已上除以

本色錢物外如有欠少即委度支鹽鐵據數均給府縣
不得輒配百姓其所市易並須先給付價錢如有妄配
百姓買物不給價錢官吏等並準此同枉法贓例處分
仍令御史臺切加察訪天下州府有官吏犯贓皆迺相
蒙蔽不肯發明縱有申聞百無一二自今已後管內縣
令有犯贓事發州司不舉者連坐錄事叅軍有贓犯刺
史不舉者坐刺史其刺史有贓事發觀察使不舉者連
坐廉使則迺相檢轄功過可明各務清廉悉心為政度

支鹽鐵戶部三司茶綱欠負多年積弊斯久家業蕩盡
無可徵索虛繫簿籍勞於囚繫者復委本司各條流理
聞奏如先將茶賒賣與人及借貸人錢物若文帖分明
的知詣實即與帖州縣徵理如組織平人妄有指射推
勘了後重加決責釋氏之教清淨為宗將悟昏迷實資
善誘上都除先置寺外每街更各添置寺五所東都除
先置寺外更添置寺五所每寺各度五十人每處僧寺
三所尼寺二所西川荆南揚州潤州汴州太原河中襄

州已上八道除先置寺外更各添置寺二所每處僧置寺一所尼寺一所諸道節度觀察使府除先置寺外更各添置寺一所其所置僧寺各度三十人諸道管内州未置寺處宜各置寺二所僧寺一所尼寺一所每寺各度三十人五臺山置寺五所如有見存寺便令脩飾充寺每數度五十人數内置尼寺一所已前添置寺宜並先度僧尼漸漸教化建造寺宇不得遽有勞役其僧尼年幾限約并諸條流準會昌六年五月五日敕條事例

處分道濟生靈功成克伐晦明雖隔禮敬宜加唐功臣
墳墓無子孫者不許砍伐委所在長吏差人巡檢爰念
農耕是資牛力絕其屠宰湏峻科條天下諸州屠牛訪
聞近日都不遵守自今已後切宜禁斷内外文武任及
致仕官三品已上賜爵一級四品已下加一階仍賜勲
兩轉神策六軍金吾威遠皇城將士普恩之外各賜勲
兩轉道宗魯聖禮洽虞賓式舉舊章以榮一作崇後嗣二
王三恪及文宣公各賜物五十疋環衛星陳華夷雲集

眷茲勞効，俾示恩華。神策六軍、金吾威遠、皇城等諸軍將統軍已下，各有賜物。其將士等長行立仗并守營者，各賜物有差。鴻臚禮賓院應在城內蕃客等，并節級有賜物，澤貴流根宜頒祿秩，義隆追遠，用慰孝思。常叅官及諸州府長史、父母見存未有官封者，並量與五品致仕官及階并邑號。父母亡歿未經追贈者，量與追贈官及邑號。攝侍中、讀寶官、攝中書令、讀冊官各賜一子出身，撰冊文賜一子正員官，奉寶、綬官、書玉冊官、書寶官。

各加兩階進寶綬進冊進中嚴外辨禮儀贊導押冊押
寶綬舉昇寶冊官各加一階其餘應職掌行事官太常
脩撰儀註禮官并內行事官三品已下賜爵一級四品
已下加一階仍並賜勲一轉鑄造玉冊官各賜物五十
段中書門下儀制官特加一階禮崇養老道貴旌賢爰
示優恩以弘教化天下百姓年九十已上委所在長吏
量加存問孝子順孫義夫節婦旌表門閭終身勿事先
已旌表者亦量加優卹川岳玄功聖賢幽贊宜因霈澤

用薦馨香五岳四瀆宜委本州長吏備禮致祭名山大川自古聖帝明王忠臣烈士委所在以禮致祭亡命山澤挾藏軍器百日不首復罪如初赦書有所不該者所司具作條例聞奏敢以赦前事相言告者以其罪罪之赦書日行五百里布告天下咸使聞知主者施行

元和十四年七月二十三日上

一作冊

尊號赦

編制

門下朕聞惟人戴后因事必極於推尊惟辟奉天有善

必歸於讓德在敷景化以答玄功居有勞謙之思進多
滿假之懼緬自遂古何嘗不由是而致理焉朕獲纘睿
圖祇膺神器上奉大祭下安群生恭己臨軒兢懷馭朽
志欲周於四海念常切於一夫旰食宵興唯恐失墜運
屬休泰時丁小康方隅廓清氛祲銷盪斯乃上荷乾坤
之垂祐宗社之降靈下賴卿士之叶心戎臣之宣力端
拱嚮道推誠任能豈予寡昧用集丕績况至化猶鬱勤
憂未寧而中外臣僚文武多士累陳懇䟽並進昌言願

獻鴻名以增虛美詎衆心而率籲轉切顧眇身而內愧
靡安乃操吉辰爰受典冊禋告于清廟虔聞于昊天當
茲盛儀夕惕增厲於戲朕自御極再加景號在徽章而
孔備諒浮實而多慙宜因行慶之辰誕布惟新之澤與
物咸遂永孚于休可大赦天下自元和十四年七月十
三日昧爽已前大辟罪已下已發覺未發覺已結正未
結正繫囚見徒罪無輕重咸赦除之唯故殺人及官典
犯贓不在此限左降官量移近處已經量移者更與量

移如復資者即任赴選集丁憂去任服闋日亦與量移
如有親故在上都任於所司陳狀便與處分不必更待
本州申請如準前制已合量移有司未註擬者並任累
叙并別勅因責授降資正員官所司亦與處分亡官失
爵放歸不齒者量加收叙流人移隸等並與量移近處
僧尼道士移隸者得罪人已亡歿家口未放歸者一切
放歸如自情願住者亦聽住左降官及流人先有官者
如有已亡歿各還本土應反逆緣坐配流在遠處身已

亡歿者如有親戚任便歸塋棄瑕宥過既咸達於幽明
錄善舉才庶無遺於廢滯或中外前資見任官如有因
瑕累未階錄用并左降官事情可恕才行足稱者宜委
中書門下量加簡拔隨能錄用妖兇久阻汚脅所加今
既盪清宜從洗滌其淄青舊管內官吏將士百姓等縱
有跡同惡逆掛涉流言事在往時一切不問維新之後
仍不得逆相糾告革其弊俗阜彼遺人切在分憂期於
共理鄆曹濮淄青沂海等三道百姓久淪寇境皆被殘

傷宜委本道觀察使刺史設法綏撫務令安輯勲籍所著常典必行常恐踰時無忘終食撫平淄青諸道立功將士宜委本道速準前勅條疏聞奏當與甄獎自經討伐鋒刃所交言念傷殘每深憫惻其淄青舊管四面官軍陣亡將士等已有前勅處分收葬量事致祭其是賊徒遺骸委在中野者亦委所在州縣速與掩瘞輦轂之下萬邦所瞻封畿之內百役斯集永言凋瘵是用蠲除其京畿諸縣今年秋稅戶青苗及秋冬季權酒錢每貫

量收四百文從元和五年已前諸縣百姓欠負錢物草
斛斗等共一十三萬五千一百一十三貫石速委京兆
府踈理具可枚數聞奏天寶已後戎事方殷兩河宿兵
戶賦不入軍國費用取資江淮繭絲所收寧免加厚物
力有限水旱相因歲月既深凋瘵亦甚眷言及此憫歎
良多今上天垂休氛沴清息師旅之後又茲豐穰省事
恤人庶乎惠養其淮南浙江東西宣歙江南湖南福建
山南山東荆南等九道今年秋稅錢合上供者每貫量

放三百文度支其今年秋稅留州留使錢并鄂岳共十道每貫量放一百文度支元和五年已前諸道州府監院送省除前制放免外諸色久負逋縣錢物等共四百二十八萬八千八百貫石等監院鹽鐵使從貞元五年已後至元和五年已前制踈理量放外應負諸色錢物斛斗共三百三十二萬二千一百五十一貫石等戶部從建中三年已後至元和九年已前除前制踈理外諸色欠負錢物共計五十三萬九千四百六十四貫石等

並委本司踈理具徵可放數聞奏御史臺及秘書省等
三十二司公廨及諸色本利錢其主保逃亡者并正舉
納利十倍已上攤徵保人納利五倍已上及展轉攤保
者本利並宜放免其正舉未至十倍亦委御史條疏聞
奏京城內私債本因富饒之家乘人急切終令貧乏之
輩陷死逃亡主保既無資產亦竭徒擾公府無益私家
應在城內有私債經十年已上本主及原保人死亡又
無資產可徵理者並宜放免比來州縣多不定戶貧富

變易遂成不均前後制勅頗有處分如聞長吏不盡遵
行宜委觀察使與刺史縣令商量三年一定必使均平
其京兆府亦宜準此河隴迥遠風沙早零動切烟塵之
虞居勞晝夜之警方加拊勉寤寐在懷緣邊諸軍自今
已後所給衣賜及軍糧價直宜委支稍加優恤展材効
用既竭忠勞行慶覃恩所宜優給内外文武見任及致
仕官三品已上賜爵一級四品以下加一階仍賜勲兩
轉神策六軍金吾威遠皇城諸道將士等普恩之外賜

勲三轉諸道將士經淮西淄青兩度立功者更賜勲兩轉詩歌有客王道攸存禮著先師儒風載闡永懷後嗣寧忘加恩二王三恪及文宣公賜物五十疋仁親為寶睦族是先需澤所行用頒慶賜大長公主長公主嗣王各有賜物宸居所拱禁衛斯嚴寄切爪牙効彰忠勇恩榮素厚寵錫宜周神策六軍金吾威遠皇城等諸軍將軍已下各有賜物其將士等長行立仗者并守本營者每人各賜有差四夷來庭萬里觀禮柔遠之義恩不可

遺鴻臚禮賓院應在城內蕃客並節級賜物昭受冊典
永垂鴻休皆惟皇臣克贊盛禮崇階高爵任子延恩式
示寵章以明酬獎讀冊官侍中韓弘讀寶官戶部侍郎
平章事皇甫鏞並加一階已至三品者賜爵二級撰冊
文官中書侍郎平章事崔群與一子正員官奉冊寶綬
書玉冊書寶官加兩階進寶綬進冊禮儀贊導押寶綬
舉昇寶冊官加一階其餘應職掌行事官寫制書官太
常脩撰儀注禮官并內侍省行事官三品已上賜爵一

級四品已上各加一階仍賜勲兩轉鑄造玉冊并填金字造寶官等各賜物五十段每懷先正尚想舊勲將以勸忠故茲進錄故尚父子儀贈太師晟贈太尉秀實各與子孫中一人八品官張巡許遠南霽雲顏杲卿真卿各與子孫中一人出官陝州元從奉天定難功臣三品已上普恩之外賜爵一級四品已上更賜勲三轉身歿未經追贈者宜與追贈太學崇儒教化根本兩都國子監館宇如有隳壞處宜令本司計料聞奏當與脩葺官

屬師氏委中書門下及所司精慎選擇用賢納諫常所
虛心計科求人抑有古典天下諸色人中有賢良方正
能直言極諫博通墳典達於教化軍謀宏遠堪任將帥
詳明政術可以理人者委中書門下尚書御史臺及諸
司四品以下清望官五品已上清望官諸道觀察使刺
史各舉所知仍限來年正月內到上都朕當親自策試
宗子中如有才行可稱者委宗正寺及所在長吏具以
名聞仍委中書門下量才叙用國典舊章墜廢滋久者

各委本司條疏奏請當議施行元和元年已來制報處分有未遵行者委御史臺提舉聞奏大明黜陟署在格言所以考官吏之濁清究黎人之利病敷我化理属于使臣宜委中書門下選黜陟使分巡天下恤其耆老必及於州閭表其行義用敦乎風俗天下百姓年百歲以上各賜米五石絹二疋純綿一色羊酒有差九十以上各賜米三石絹兩疋仍令本縣令就家存問孝子順孫義夫節婦旌表門閭終身勿事先已旌表者量加優卹

祀典所載朝章是崇或美利在人或遺風可慕必資申
敬乃副予誠五岳四瀆宜委本州府長吏備禮致祭名
山大川及自古聖帝明王忠臣烈士各令所在以禮致
祭亡命山澤挾藏軍器者百日不首復罪如初赦書有
所不該者所司具作條例聞奏敢以赦前事相告言者
以其罪罪之赦書日行五百里布告天下咸使知聞

文苑英華卷四百二十二

欽定四庫全書

文苑英華卷四百二十三

宋 李昉等 編

赦書四

尊號赦書二

寶曆元年四月二十日冊尊號赦文 編制

門下朕聞奉天地之大統必酌于人心荷宗祖之誠訓
必叅于國典顧惟眇身守任重器道未能被物德不足
蓄身賴于宗工碩老輔導丞弼享祧主

詔今作奉

鬯熏燎告

玄履歷正元敷施大號庶方咸若四表穆然皇祖披攘之基列聖焦勞之業恬焉而有泰焉而居晝以度心夜以省己其何德以堪之方將法乾以行健體咸而致和執冲以固高守約以持滿而文武百辟章奏四上以為人心不可以曲讓國典不可以矯違亦用慰于太皇太后皇太后之意屈而後俞諒非獲已豈不以予非生知欲以徽稱懿號誘掖勸慕之乎將使循名而勉其實力實而應其名乎然則予方且以為韋弦方且以為箴誥

楸于皇極庶無尤違是宜與物同利惟新大澤可大赦
天下自寶曆元年四月二十二日昧爽已前大辟罪已
下已發覺未發覺已結正未結正繫囚見徒罪無輕重
咸赦除之惟故殺人及官典犯賊不在此限應左降官
未經量移者宜與量移近處丁憂去任服闋日亦與量
移如准前制已合量移有司未注擬者並任累叙流人
未到所在及已到未經量移者並與量移近處僧尼道
士移隸未經量移者並一作亦與量移近處中外前資見

任官頃因延累未及用才并左降官中有事情可恕名跡素聞者宜委中書門下量加獎用勿使屈滯授田制祿歲久而弊深留獄要囚期舒而濫廣隱冒啓逃姦之漸倍稱成豪奪之源亟舉舊章猶循宿蠹永言謀始必俟申明在京百司職田散在畿內諸縣舊制配地出子逐畝平攤比量舊制孰為久便宜委京兆府與屯田審計會條疏奏聞如京城諸司捕繫推掬經旬時每季御史巡囚罕能察訪舉劾積成冤滯為弊頗深宜委御史

臺重舉用長慶元年七月十八日赦文條件聞奏京畿
百姓多屬諸軍諸使或戶內一人在軍其父兄弟不
受府縣差役頃者頻有制勅處分如聞尚未遵行宜委
京兆府重舉用長慶元年七月十八日赦文條疏聞奏
應京城內有私債經十年已上曾出利過本兩倍本主
及原保人死亡並無家產者宜令臺府勿為徵理應天
下典貼得人庄田園店等便合祇承戶稅本主收贖之
日不得引令式及言私契組織貧人令煩而政撓積習

而弊生欲其適宜須有釐革使人不倦必在變通今年正月七日制勅處分條目中有未經施行者委御史臺令提舉仍條錄聞奏宜委百司官長各具條疏當司利病奏聞擇其善者當議改更弘文崇文館生及齋郎三衛所用資蔭踰濫頗多澄源清流切在釐革宜委禮部兵部侍郎條疏以久遠可行用者無每蔭別限年限明作條例聞奏懋官述職禦侮宣威暨于庶僚咸竭乃力峻其爵秩以極封崇内外文武見任及致仕官三品已

上賜爵一級四品已下加一階仍賜勲兩轉神策六軍
金吾威遠皇城將士普恩之外各賜勲兩轉列虞賓之
位崇褒聖之胤所以闡德教而昭前烈也二王三恪及
文宣公各賜物三十疋朕上奉兩宮下臨九有庶幾廣
愛之道以行教化之風太皇太后皇太后二等已上親
委中書門下約舊例量加優賞二廣分營六師環衛梯
航貢奉玉帛會同既勤勞而可嘉亦懷來之所尚神策
及六軍金吾威遠皇城等諸軍將軍統軍以下各有賜

給其將士等長行立仗者并守本軍本營者各賜物有
差鴻臚禮賓院應在城內蕃客等並節級有賜物宣贊
盛禮潤色鴻徽爰錫寵於崇階亦推恩於任子攝侍中
讀寶官門下侍郎平章事竇易直攝中書令讀冊官中
書侍郎平章事李程各賜一子出身撰冊文官左僕射
平章事李逢吉宜依舊例賜一子出身正員官奉冊奉
寶綬官書玉冊官書寶官各加兩階進寶綬進冊中嚴
外辨禮儀贊導押冊押寶綬舉昇寶冊官各加一階合

入三品者待考足日聽叙合選人減一選其餘應職掌
行事官及寫制書官太常修撰儀注禮官并宮內行事
官三品已上賜爵一級四品已下加一階仍並賜勲一
轉造玉冊并填金字造寶裝官各賜五十疋前王之令
政未有遺年前哲之格言寔先顧行義存忠厚教被家
邦天下百姓九十已上委所在長吏量加存問孝子順
孫義夫節婦旌表門閭終身勿事先已旌表者亦量加
優卹生甫炳靈出圖表異故能發洩雲雨蓄涵風雷望

秩之儀必資蠲潔五岳四瀆宜委本州府長吏備禮致祭名山大川及自古聖帝明王忠臣烈士令所在以禮致祭亡命山澤挾藏軍器百日不首復罪如初赦書有所不該者所司具作條例聞奏敢以奏前事相告言者以其罪罪之赦書日行五百里布告天下咸使聞知

會昌二年四月二十三日上尊號赦文

編制

門下昔我高祖太宗始造區夏闢乾坤以覆載竭日月

以照臨盛德耿光格于上下昊天有成命我二后受之
列聖丕圖克大其緒文綏武靖奕葉連枝逮予續修罔
敢失墜誠欲追縱在昔貽範將來陶末俗於至和返大
朴於已散而道不足以居域中之大文不足以成天下
之化恭已南面夙興夕惕遐想理古歟然于懷至於嗣
歲豐穰寰海康靜祆沴滅息華夷大同茲實監祐自天
匡救在下諒非已出安敢自多而三台百辟陳忠歷懇
加我大號其何以堪謂予守文宜述先志抑而不行者

三請確而不拔者群誠豈貪在己之名始念從人之欲
祇應典冊良深惕勵於戲顏子匹夫也猶曰舜何人哉
矧有其位行其教化而不思齊其道也尚念交修俾克
用又今維夏長養之時動植之物莫不自遂思有以導
迎和氣生活吾人是用稽犧經之作解法虞書之肆赦
推恩宥過思與詔作與物同休可大赦天下自會昌二年四
月二十三日昧爽已前大辟罪已下已發覺未發覺已
結正未結正繫囚見徒罪無輕重咸赦除之唯犯十惡

叛逆已上故殺人及官典犯賊不在此限應左降官恩赦後未經量移者與量移近處丁憂去任服闋日亦與量移如準前制已合量移有司未注擬者速與處分流人未到所在及已到未經量移者並與量移近處僧尼道士移隸未經量移者亦與量移近處中外前資見任官頃因延累未及用才并左降官中有事情可恕名跡素聞者宜委中書門下量加獎用勿使屈滯俗未臻於富庶念每切於黎元衣食寡充旰昃興嘆百司田疇地

有高低歲有善惡傷於水潦則低地不稔稍遇亢旱即
高處無苗近聞州縣長吏掩其災損務求辦集唯於熟
苗上加徵將填欠數致使黎元重困惠養全乖自今後
州縣百姓有遭水旱苗稼不收處檢驗不虛更准前後
勅文被免不得加徵熟田人戶令本配額外重出斛斛
商通百貨士奉公程俾無行旅之虞在去荏蒲之聚應
州郡連帶江湖常多寇盜結構群黨潛蓄弓劍殘害平
人剽劫財物道途商賈常患不安方今海內無虞所宜

普奏委諸道節度防禦使如界內帶江山淮海處切加
警備仍差巡檢更於要害處加置軍鎮捉搦擇有機畧
軍將鎮守遊奕明立賞罰如能設計擒獲賊黨二十人
已上并獲贓物推問行刼蹤跡分明者量其功蹟節給
優賞仍與遷職如界內有刼殺不能捉獲者亦節級重
加懲責仍委出使郎官御史及所在巡檢院切加訪察
不得更使因循邊戍禦扞戎夷士卒衣糧最為切事如
聞逃亡浸廣營壘多虛又供給公私皆率官健妻孥困

乏不免飢寒委本道節度使與監軍使躬親閱據逃死欠闕人數便取軍中少壯有武藝子弟填替不得遣有虛名其見在將士衣糧皆湏及時給付正身不得輒有減刻別將支用令其凍餒仍委出使郎官訪察聞奏有違當案覆科貶抑強扶弱實王道所先賦役以均則窮人靡怨度支鹽鐵戶部諸色所由茶油鹽商人準勅例條免戶內差役天下州縣豪宿之家皆名屬倉場鹽院以避徭役或有違犯條法州縣不敢追呼以此富屋

皆趨倖門貧者偏當使役其中亦有影庇其

疑作真

偽難

分自今已後委本司條疏應屬三司及茶鹽商人各據所在場鹽正額人名牒報本貫州縣準勅文處分其茶鹽商仍定斤石多少以為限約其有冒名接腳短販零少者不在此限其小舖所由主人牙郎火夫牛戶父兄子弟并在任州縣依例使例所冀勞逸稍均疲人蘇息給事郊廟之服奉繭絲之稅蠶桑是繁封植攸資宜設科條用絕違犯勤課種桑比有勅令每年奏聞如聞都

不遵行恣為剪伐列於市肆鬻為柴薪州縣宜禁斷不得輒許更賣犯者科違勅罪理貴便人事存可久苟非撫實則昧適時州府兩稅物斛斗每年各有定額徵科之日皆申省司除上供之外留後留州任於額內方圖給用縱有餘羨亦許州使留備水旱其留使錢物更令諸道分析破用去處所立文帳皆是構虛文百姓懇田承前已申頃畝及斛斗單數近年又令其戶稅錢等第懇田水陸頃畝挾縣鄉分析徒為繁弊無益政途今

年已後並宜停送州縣攝官假名求食尚懷苟且不卹
疲人其闕少官員處並委本州刺史於當州諸縣見任
官中量閑劇分配公事勾當如官員數少力實不逮處
即於前資官中選擇清謹幹用者差攝不得取散試官
充職制祿授田著於定制貪猾利己不修舊章應畿內
在京百司職田方聞本地多被狡吏及豪强平直隱蔽
廻換遙指荒閑墦薄田地即配與浮客佃食免被豪吏
欺隱如或因循不存勾當官吏等必當節級處分使命

經行供備夫役既隳額例事頗姦欺須議舉明以全物力江淮兩浙每驛供使水夫價錢舊例約十五千已來使過元額須別供舡夫近日相承取索無度從蘇常已南每驛便供四十餘千或界內或四五驛往來須破四百百千宜依往例不得數外妄供如更有違長吏已下節級書罪立政之本所務均平設法之源在絕僥倖京畿諸縣太常樂人及金吾角子皆是富饒之戶其數至多今一身屬太常金吾一門書免雜差役今日已後只

放正身一人差使其家下並不在影庇限涉歷吏事蓋
崇理本自因近制却啓倖門太和九年十二月十八日
勅進士初合格並令授諸州府叅軍及緊縣簿尉未經
兩考不許奏職蓋以科第之人必弘理化黎元之弊欲
使諳詳非唯可塞倖門實亦用懲澆俗近者諸州長吏
漸不遵承雖注縣寮多縻使職苟從知己不顧蒸人流
例寢成侵費不少况去年選格更當府充職一人從事
兩諸科錢虛占吏曹正員不親本任公事其進士宜至

合選年諸道依資奏授州縣官即不在兼職之限武官
選用本求才藝近日入仕多門虛偽轉甚就中兵部武
選其弊尤深都無本根妄兼甲歷但求遷轉莫可討尋
其武選且停見任武官即仰依前守職仍差官量與修
甲歷得甲歷定然後許前資赴集輦轂之下諸色人中
非吏非商閑行遊手愬名起事潜得容奸自今後有自
謀職任私用貨財詭計多端經過朝貴者委御史臺京
兆府嚴加察訪捉搦畿甸賦繁園陵至重先事立制冀

免虛勞親陵栢栽每歲添補約力計費役用至多歲久而不見其功人勞而未除其弊蓋由栽植動土須先奏聞待勅下有司及擇日到縣已過期限豈盡施功空閱數以計傭皆朝種而夕朽自今已後每至歲首委有司於正月二月三月八月四箇月內擇動土利便之日先下奉陵諸縣分明榜示百姓至時與設法栽植畢月縣司與守管使同點檢據數牒報與折本戶稅錢高秩峻級崇蔭子孫蓋寵勞能著存令式近者漸寡廉撲多補

名身不獨假蔭近房兼有規求厚利選曹既闕磨勘長吏不聞糾繩此弊公行吏途太濫自今後並須準格用蔭人數年限不得逾越委吏部及御史臺嚴加覺察據其選授官到本道本州須審磨勘稍疑踰濫及察知冒賣資蔭便收禁牒報有司懋官述職禦侮申威暨于庶僚咸竭乃力峻其爵級以極封崇内外文武見任及致仕官三品已上賜爵一級四品已下加一階仍賜勲兩轉神策六軍金吾威遠皇城將士普恩之外各賜勲兩

轉位列虞賓曹崇褒聖所以闡德教而昭前烈也二王
三恪及文宣公各賜物五十疋二廣拱辰五營列衛明
庭執玉航海會朝念申力以賞勞示懷柔而優寵神策
及六軍金吾威遠皇城等諸軍將軍統軍已下各賜物
有差鴻臚禮賓院應在城內蕃客等並節級有賜物光
贊典冊發揮鴻名實賴重臣共揚休烈爰推恩以廣愛
亦峻級以崇階攝侍中讀寶官中書侍郎平章事李紳
攝中書令讀冊官右僕射兼中書侍郎平章事崔拱一作

是珙各賜一子出身撰冊文官司空兼門下侍郎平章事

李德裕賜一子出身正員官奉寶綬官書玉冊官書寶
官各加兩階進寶綬進中嚴外辨禮儀贊導押寶冊官
各加一階其應職掌行事官三品及寫制官太常修儀
注禮官并內行事官三品已上賜爵一級四品已下一
階仍并賜勲一轉鑄造寶冊并填金字造寶裝玉冊官
各賜物五十段養老引年旌閭表行冀弘忠厚之俗以
振節義之風天下百姓年九十以上委所在長吏量加

存問孝子順孫義夫節婦旌表門閭終身勿事先已旌表者亦量加優卹降神表峻出寶應圖秩視公侯德穰灾患式崇明祀咸薦吉蠲五岳四瀆宜委本州長吏備禮致祭名山大川自古聖帝明王忠臣烈士各令所在以禮致祭亡命山澤挾藏軍器百日不首復罪如初赦書有所不該者所司具作條例奏聞敢以赦前事相告言者以其罪罪之赦書日行五百里布告天下咸使聞知主者施行

文苑英華卷四百二十三

欽定四庫全書

文苑英華卷四百二十四 宋 李昉等 編

赦書五

禋祀赦書一

赦書

沈 約

門下朕昧旦一作爽

夙興念茲治道而明不燭遠弘之未

易仰尋先烈思致隆

一作升

平日頃多故戎役

一作車

代有

軍政國容事緒非一刑禮叅用未臻和簡向隅之情永

言增歎今郊禋載洽幽明允從思隆

一作崇

嘉祉被之兆

庶可大赦天下主者施行

一作皆初學記

南郊恩詔

門下卜日禋饗政道莫先厚下布澤哲王是務朕仰祇

靈眷俯臨億兆歲象迴環恭事亡及牲玉必荐感敬備

申升煙燎於穹昊致精誠於太一思霑颺

可亥切南風也

潤惠

茲窮生應天監三年內犯奪勞及左降可悉原降繼市

職不充人身及家口質繫悉散還私家督備前歲三五
犯譴因及隨曹景宗授司州委叛應謫役者並量所蠲
降尚書所檢巧陳淫辭普更開恩百日各聽自首不問
往罪京師三縣尤窮之民詳加賑恤主者速條格施行

南郊恩詔

門下朕肅膺乾貺君臨率土雖日晏劬勞而仁恕未洽
星琯驟迴履端告始禋饗云備誠敬廉一作兼申宣和布

澤情深待旦凡内外文武可各賜勞一年叛亡未擒若

百日内自首還役不問往罪女子質繫悉且散遣文書輕重坐罪並皆從原主者詳為條格疾速施行

南郊赦書

張九齡

門下朕獲主三靈于今一紀聽政中昃每不敢康觀書

乙夜將求諸道頻年已來每思至理

詔令作為
理思至

或遠人

不率或嗣歲不登淳朴未還惕厲斯在為人上而慙德奉天明以畏威故祝史宣辭必期於陳信郊丘備禮將俟於昇平今正宗廟降靈克開厥後乾坤交泰保合太

和麟鳳龜龍玄符黃瑞之祉蠻夷戎狄梯山航海之琛
莫不日月以聞道路相屬顧惟不德承茲休運欽若昭
報疇咨故實所以今年獻春恭祠詔令作祀后土季秋吉日

追崇九廟採必先於魯

集作魯

經稽肆類於虞典爰因長

至欽謁上玄告受命之元符昭嚴配之成績大典云備
至誠克展諸侯駿奔來於穆之相百神受職率咸秩之
文六變已陳三獻斯畢蓋春秋之大事莫先乎祀王者
之盛禮莫重於郊柴燎克終感慶罔極豈予一人之福

亦爾萬邦之賴宜因咸和之際俾承厚下之澤可大赦
天下自開元十一年十一月十六日昧爽已前罪無輕
重已發覺未發覺已結正未結正繫囚見徒大辟罪已
下咸赦除之其十惡死罪造偽頭首劫賊殺財主在不
赦例就中仍慮有冤濫者所司具狀送中書門下盡理
詳覆奏聞朕將親覽其有亡命山澤挾藏軍器百日不
首復罪如初敢以赦前事相告言者以其罪罪之升壇
行事官及供奉官三品已上賜爵一級四品已下加一

階諸獻官并準此升壇例内外文武官及致仕并前資
陪位者賜勲一轉緣大禮有職掌并押當者更加一階
齋郎並放出身皇親諸親陪位未出身者並放選已出
身者賜勲一轉親王公主各與一子官三品衛監門黃
衣長上飛騎萬騎并仗内雜色人在齋宮宿衛及諸色
人有資勞人緣大禮有職掌并流外行署預見大禮者
亦賜勲一轉其充香爐執扇及禮生祝史贊者賜勲外
簡日選優與處分兵士宿衛齋宮并諸色無資勞緣大

禮職掌及京兆府百姓緣南郊祇應者各免其家一年
雜科差南北衛將軍率中郎將宿衛齋宮者並同升壇
例其諸軍節度大使及三都留守雖不陪位委寄既重
特宜同升壇官例百歲老人賜綿帛五段粟五石縣令
至其家存問給付孝子順孫義夫節婦旌表門閭終身
勿事已旌表者量加優恤諸州百姓或因逢水旱流寓
未安者宜令所司與朝集使即作賑乏一作恤安輯法奏
聞其單貧衛士番鎮久次令州府長官簡擇灼然者放

免番役征行人家州縣檢校勿使侵欺磧西鎮人途路

懸邈

一作遠

特宜賜勲一轉鰥寡惇獨亦令州縣倍加矜

恤使得存濟元置義倉救人不足承前貸百姓糧及種

子未納者並放免不得却徵自古聖帝明王忠臣烈士

名山大川並令所管致祭其已得贊官人并輕

詔令作轉累

未得處分非老弱疾病猶堪處事者量加收叙使免失

職其左貶官非逆人五服內親及犯贓賄名教者所司

實勘奏聞量移近處其官人有清白政術堪任刺史縣

令及抱器懷才不求聞達者州長官具以名薦宗室中
有孝悌才術為衆所知仍在卑任者委宗正具以名奏
君臣一體休戚共焉朕欽承天命恭傳大寶蓋憑累祖
餘業得一之符亦由群公舊勲不二之力永言繫賴其
敢忘之自武德已來實封功臣知政宰輔有身無大故
而亡官失爵子孫淪屈者所由勘實具以狀聞存者可
籌其官榮逝者當錄其胤嗣使幽明同慶知有今辰亞
獻邠王守禮終獻寧王憲各賜物一千足捧俎申王撫

夾侍岐王範薛王業各賜物柒百疋侍中源乾曜中書
令張說兵部尚書同中書門下三品王峻各賜物伍百
疋正衣駙馬都尉王守一王繇溫曦宗正少卿崔澄各
賜物三百疋二王後賜物一百五十疋壇場使京兆尹
孟溫禮賜物二百疋脩造羽儀使賜物一百疋脩撰儀
注官五品已上賜物一百疋六品已下賜物七十段自
餘陪位預宴官一品賜物一百疋二品三品八十疋四
品五品六十疋六品七品四十疋八品九品三十疋鴻

臚諸蕃使與見大禮及在本蕃王侯大酋長並同宴會
例給賜郡主縣主各賜物八十疋緣大禮數處有職掌
者任於一頭從高叙天下州府賜酺三日京城五日前
任所在百姓村坊宴樂不得科率聚斂其有處分未該
者令所司及本使比類奏聞赦書日行五百里主者施
行

東封赦書

門下朕聞天監惟后后克奉天既合德以受命亦推恩

而復始厥初作者七十二君道洽德

集作跡

著時至符出

皆用事于介丘升中於上帝人神之望盖有以塞之皇
王之序固可得而言也朕接統千歲承光五葉惟宗祖
之德在人惟天地之靈作主往有內難幽贊而集大勲
間無外虞守成而續舊服未嘗不乾乾終日思與公卿
大夫上下叶心聿求至理以弘我列聖其庶幾乎馨香
今九有大寧群氓樂業時必敬授而不奪物亦順成而
無天慙建皇極幸致太和洎乃幽遐率由

詔令作皆

感被戎

狄不至

集作執

唯文告而來庭麟鳳已臻將覺悟而在數

以故凡百執事亟言大封顧惟不德初欲勿議伏以先

聖儲祉與天同功荷傳符

詔令作慶

以在今敢侑神而無報

大節斯在朕何讓焉遂奉遵高祖太宗之業憲章乾封

之典時邁東土柴告太岳

詔令作岱岳集作岱宗

精意上達肸蠁

來應信宿行事雲物呈祥登降之禮斯畢嚴配之誠

詔令

作義獲展百神群望莫不懷柔四方諸侯莫不來慶斯事

天道之介福邦家之耿光也無窮之休祉豈獨在予非

常之惠澤宜其逮下可大赦天下自開元十三年十一月十三日昧爽已前大辟罪已下罪無輕重已發覺未發覺已結正未結正繫囚見徒咸赦除之唯十惡死罪不在此限

詔令作例

流人未達前所者放還其有挾藏軍器

亡命山澤百日不首復罪如初敢以赦前事相告言者以其罪罪之內外文武官三品已上賜爵一等

詔令作級

四

品已下加一階邠王守禮寧王憲岐王範薛王業各與一子三品官公主嗣王郡主縣主各與一子官其應文

武行從官加階之外並賜勲兩轉三衛引

詔令作司駕細引

黃衣長上飛騎驍騎先有武散官者加兩階未給武散官者各賜勲兩轉衛士馬主戎車主幕士掌閑供膳太常及仗內音聲人行署及蕃官七色并別勅雜色定名行從人亦賜勲兩轉緣大禮登山守行侍從行事舉脚等官三品已上特賜一階仍與一子生上品已下特賜一階仍賜勲兩轉量與進改其四軍別抽出山宿衛及諸司上山執當官三品已上賜爵一等仍與一子出身

四品已下加一階賜勲兩轉亦量進改其白身人及行署蕃官放蕃選其山下昇壇行事官三品已上加爵一等賜勲一轉四品已下加一階賜勲一轉選日稍優諸獻官及宿衛齋宮將軍率中郎并郎將并兩京留守諸軍節度使並同昇壇例諸有職掌押當非昇壇例諸有職人加一階選日優量其加階應入三品五品人非特賜者並依十一年三月二十八日勅節限齋郎禮生見任官前資官已上人並依資量材與處分未出身者放

出身皇親別勅承勅

詔令無此字

恩陪位者亦準此諸州岳

牧四府長史朝覲陪位者泛階之外各賜勲一轉諸方

使人及諸州父老宗姓并從家子孫至岳不得陪位者

並賜勲一轉賜物五段諸州及兗州道僧至岳見大禮

者並賜物五段孔子後褒聖侯量才與處分天下致仕

官各依本品賜一季祿并束帛其陪位者仍賜勲一轉

諸蕃侯王酋長來會禮者各加一官至都節級並與賜

物其入朝留在邊軍人亦準此其蕃中知

一作抵

候衙官

刺史縣令並賜物及袍帶突厥可汗小殺等諸國王守
護塞垣歲月朝貢並宜賜物副使將往侍老年百歲已
上者版授下州刺史婦人版授郡君年九十已上者版
授上州司馬婦人版授縣君年七十已上者版授縣令
并婦人版級量賜粟帛其預見大禮侍老各別加侍下
一人孝子順孫義夫節婦旌表門閭終身勿事行人之
家及鰥寡惇獨并疾病不能自存者委州縣長官倍加
存卹諸軍行有文武散官已上者加一階白身者賜散

勲一轉欠負官物逋懸租調並宜放免其行過州縣供

頓劬勞并貼頓百姓有雜差科并車馬夫役者並免一

年租賦

詔令作稅

兗州免二年租賦

詔令作稅

當頓官人始末不

絕者與中上考仍賜勲一轉朕永惟王業繫賴舊勲元

首股肱其猶一體自武德已來功臣宰輔或名存王府

遺嗣沉淪或身無大故銜屈泉壤宜令所司訪擇申理

唐元六年六月二十六日

按唐書唐隆元年六月十日
玄宗定內亂睿宗二元景雲

今敕文避玄宗諱隆故作改唐
元是也復增六年六月字則非

立功官人往屬艱難能

盡忠義今成大禮何日忘之宜各與一子出身無子者
任回與周親之人有司試策三道等第收獎朕躬陟天
門宿齋日觀時屬嚴冬雪後初夜風寒朕因露立祈恩
誓欲代人當咎俯仰之際頓息霜飈奠獻之晨變同韶
景誠荷上天垂祐亦賴靈山吐祥詩云無德不報宜封
太山神為天齊王禮秩加三公一等宜令所管崇飾祠
廟環山十里宜集無此字禁其樵採給近山二十戶復以奉
神祠率土之內賜酺五集作七日任於村坊內宴樂不得

聚

詔令作率

歛煩勞其節文有未霑及者所

詔令作有

司比類奏

聞其封祠

集作祀

有數處行事者從一處叙赦書日行五

百里主者施行

后土赦書

門下昔者巡狩所至柴瘞所在蓋取誠享以遵告類朕

恭承祖宗之烈獲主神祇之祀夙夜祇畏不敢荒寧故

勒兵朔陸先展義於汾

詔令作扮

社廻旆睢上遂有事於郊

壇王者父事天母事地漢氏祈穀未始正名周禮降神

乃為徼福而已朕以天命之重子道為先惟茲精誠在
乎敦孝庶蒙福於四海期永康於兆人是以率由舊章
敬恭明祀嚴配之誠既展奠獻之禮又終且春秋之義
大事在祀齋祭之福庶品維祺豈獨在予而有斯慶可
大赦天下自開元二十年十一月二十一日昧爽已前
大辟罪已下罪無輕重已發覺未發覺已結正未結正
繫囚見徒常赦所不免者咸赦除之官人犯贓及有罪
詔令被推者本罪雖原不得更令却上仍別與處分自
作事

先天

詔令作奉先非

已來有雜犯流移人等并配隸人等各量

移近處左降官未經量移及經量移未復本資者奏聽

進旨

詔令作止

天下遭損免州應損戶成

詔令作減

一分已上者

及供頓州無出今年地稅如已徵納賜折來年地稅逋

租懸調貸糧種子欠負官物在百姓腹內者並宜放免

其不損處

一作免

州自開元十七年已前所有貸糧種子

負欠官物在百姓腹內者亦宜準此諸州緣供頓所差

貼助夫亦放其家今年地稅孝子順孫義夫節婦旌表

門問終身勿事諸州侍老百歲已上賜粟七石九十已上賜粟五石八十已上賜粟三石所由速付勿淹旬日太原潞府侍老等先已加恩不在此例亞獻皇太子鴻賜物二千足終獻慶王澤賜物一千足邠王守禮寧王憲薛王業各賜物一千足忠王浚已下各賜物三百足夾侍正衣進珪捧珪汝陽郡王淳等各賜物三百足皇太子夾侍正衣各賜物一百五十足裴光庭蕭嵩弼亮朕躬弘益斯遠不有優異何殊等夷

詔令作倫

加階賜爵之

外各與一子官無子者任與周親仍各賜物三百疋二
王後各賜物二百疋長公主各賜物三百疋嗣王郡主
縣主各賜物二百疋行從文武官三品已上賜物八十
疋四品五品賜物六十疋六品七品賜物四十疋八品
九品賜物二十疋昇壇官三品已上特賜一階四品已
下各加一階應入三品五品官階相當不限考數聽得
入知頓使及判官修禮儀官撰玉冊文官知頓御史加
一階脩壇場州刺史及書冊

詔令作
脩壇

官各賜物一百疋

其已有昇壇職掌從一頭處分緣大禮有職掌官賜勲
三轉行從官首末不絕及陪位官各賜勲兩轉内外文
武官三品已上賜爵一等四品已下各加一階致仕官
三品已上賜物七十疋四品五品各五十疋行從蕃客
鴻臚安置陪位見大禮者宜賜物五十疋節級分付南
北衙應宿衛齋宮官及左右廂知兵馬虞候惣管已下
詔令及判官詔令別奏兼孔目官等更加勲一轉前資
作司
官選日稍優與處分自守身三字一作白身人有資勞者簡選

之日優與處分無資蔭者賜勲兩轉南北衙行從三衛

飛騎萬騎引駕細引

一作伏

及監門直長主帥黃衣長上

各賜勲兩轉仍各賜物五段兩營弩

一作弓

手六番併行

宜各賜勲兩轉物五段仍量折番役諸衛彊騎及兵角

弓手官馬主掌閑幕士駕士供膳主習馭工人樂

詔令作築

人雜戶官戶白身有職掌人合行從人等各賜勲一轉

物三段其齋郎既是見任官準壇上壇下有職掌官例

處分執彈三衛及禮生贊者各減二年勞無勞可減者

簡選日稍優與處分流外行署從者各賜勲一轉有職
掌者各賜勲兩轉供頓州刺史同陪位官例始末專知
頓官各與一中上

詔令作
上中

考蒲州刺史寶鼎縣官同昇

壇官處分管壇一鄉百姓給復二年蒲州侍老等準太
原潞州例降一等處分武德初功臣每有大慶必存追
遠業叅運始義合賞延其子孫沉翳無在朝者宜令勘
實即與一子官唐元初立功臣

一作
官

等艱難之際誠效

亦深言念其初豈忘終始其三品已上各賜一品官五

品已上各賜紫金魚袋有亡歿者優贈一官仍與一子

官一子先

一作已

得官者選日優與處分兩京留守京兆

河南尹四大都督府長史諸軍節度副大使準行從官

例處分諸方通表疏使人預見大禮準陪位官處分諸

道戰

詔令作陣

亡人家仰州縣存恤不周濟者量事賑給諸

軍

詔令作道

健兒別勅行人各賜勲一轉仍令所司速勘會

團奏官寫告身送付諸道行人或有身死被

詔令作波

逃猶

徵課役累及親隣即宜審勘為其除削皇親中有文武

才用堪任使者委宗正具薦


詔令作具以合上

當與獎擢五岳

四瀆名山大川自古聖帝明王忠臣烈士輔相各令致祭務盡誠潔赦書有所不該者所司比類聞奏亡命山澤挾藏軍器百日不首復罪如初敢以赦前事相告言者以其罪罪之率土之內賜酺三日赦書日行五百里布告天下

詔令作遐邇

咸使聞知主者施行



文苑英華卷四百二十四

欽定四庫全書

集部

文苑英華卷四百二十五至
七

詳校官庶吉士_臣柳遵祖

助教_臣常循覆勘

總校官進士_臣朱鈐

校對官中書_臣胡紹基

謄錄監生_臣劉耀馥

欽定四庫全書

文苑英華卷四百二十五

宋 李昉等 編

赦書六

禋祀赦書二

天寶三載親祭九宮壇大赦制 孫 逖

門下九宮之祀百代莫修豈日給之不暇將明靈之有待朕當宸君臨握圖纘業每聽政中昃疇咨讜言觀書乙夜以求故實勵精為理三紀于茲上荷宗廟延祥克

開厥後下賴股肱叶德以致邕熙而麟鳳龜龍近遊郊

藪蠻夷戎狄遠輸賁賁乘時年

一作來

之休運恢皇王之

遠圖是以圓丘方澤之儀昇中告類之禮靡

一作無

典不

舉靡神不懷恭惟九宮明祀尚闕載深兢惕用建靈壇

爰以元辰親執奠獻叶青陽

一作春

發生之慶祈黔庶吉

祐之福今至誠式展大禮云備瑞景和風神心如答則

無疆之祉豈獨在予非常之澤宜覃率土可大赦天下

自天寶三載十二月二十五日昧爽已前大辟罪已下

罪無輕重咸赦除之其十惡死罪造偽頭首謀殺攻劫
及官典犯賊不在免限朕惟善政實在養人作法務從
於寬簡任事必量於齒力比者成童之歲即掛輕徭既
冠之年當便正役憫其勞苦用軫予懷自從以後天下
百姓以十八已上為中男二十三已上成丁又任土作
貢先標程式或非所有不免貿遷事既非宜理難經久
并應徵課稅及支遣諸色物或期程之間遲速一作違非
便並委所司與朝集使商量取便穩處奏置聞

實錄載
赦文云

每歲庸調八月徵收農功未畢恐難濟辦自今已後延至九月三十日為限

諸軍行人遠為

邊捍修短之分雖有定期役從而終良深軫念其有陣

亡及在軍亡歿骸骨未還鄉貫者宜令節度使給棺櫬

遞歸又防邊禦寇實為艱勞貧戶單丁固茲

疑

存養更

令差遣去住難堪自今已後應差行人家無兼丁不在

取限自古聖人皆以孝理五常之本百行莫先移於國

而為忠事於長而為順永言要道實在弘人自今已後

令天下家藏孝經一本精勤誦習鄉學之中倍增教授

郡縣官長明申勸課百姓間有孝行過人鄉閭欽伏者
所由長官具以名薦其有父兄見在別籍異居虧敗名
教莫斯為甚特宜禁絕勿使更然并親歿之後亦不得
令有分析郡縣切勒令在惟行自今已後如有不友不
恭傷財破產者宜配磧西用清風教朕惟熙庶績博訪
逸人豈唯振拔滯淹以期於大用亦欲褒崇高尚將敦
於薄俗虛佇之懷兼在於此其有高蹈一作道不仕遁跡
丘園遠近知聞未經薦舉者委所在長官以禮徵送又

崇德追遠式問封墓用旌前烈以叶大猷自古聖帝明

王名臣烈士陵墓有頽毀者宜令所管

一作掌

量事修葺

仍明立標記禁止樵採天下侍老百歲已上賜帛五段

粟三石八十已上帛三段粟二石仍於郡縣長官存問

給付亞獻太子諱宜賜物二千疋終獻慶王琮一千疋

正衣夾侍各五百疋親王各三百疋新封建郡王及國

公各一百疋賢妃三百疋長公主各三百疋公主各二

百疋嗣郡王各一百疋中書門下三品竭心翊戴弘益

實多各與一子官如先已授官量與一人轉内外文武
官三品已上賜爵一級四品已下各加一階一品賜物
七十疋三品已上六十疋五品已上四十疋六品已下
二十段諸節度使各賜物一百疋三京留守及二王後
各八十疋採訪使各六十疋諸蕃客共賜二千疋其唐
元功臣締構之初竭其忠欵錄功念舊情所不忘普恩
之外更賜一作加一階其身歿者各贈一官皇親五等已
上及九廟子孫諸親三等已上未有出身者並放出身

其前資者選日稍優與處分見任者更賜勲兩轉應天下賜酺三日赦書有所未該者所司類例聞奏宣布中外咸使知聞主者施行

一作皆唐大詔令

天寶六載南郊赦

內制

門下昭事昊穹必惟禋祀蓋順帝則而成政也肅雍清

廟必惟嚴享

一作必嚴大享

蓋繼先志

一作蓋叶先心

而為孝也則累

聖之德在人元陽之氣在候所以達明靈之景貺廸皇

王之大

一作徽

猷者矣朕夕惕宵衣奉天績業勉思政道

惟懷永圖賴百

一作列

辟庶官匡予不逮聲朔及遠車書

靡殊加以乾符坤珍日來月至感福應之尤盛懼明祠

之未殷且資父事天因

一作自

親設教洽情以達禮廣敬

以推尊時享之誠寧宜異數日舉之饋豈忘事生是用

革故鼎新禮物對越上靈聿追嚴配既而崇牙宿設明

德惟馨敬爾臣工駿奔執豆陟降至止

一作陟丘止樂

樂徧禮成

精意上升神休下答宜廣維祺之福以覃作解之恩

天寶十載南郊赦

門下皇天眷命必順於五行哲后御時實遵於三統考

古之道何莫由斯朕欽若上靈

一作玄

嗣守丕業察璿衡

以齊政念稼穡以勸人日慎一日四十載于茲矣何嘗

不夙夜懼畏憂勞在懷思共黎元臻夫至理幸以刑清

俗阜天成地平萬方底寧群物咸遂雖慙大化且謂小

康此皆至道儲祉宗社敷祐豈予薄德

一作涼德

而克致焉

然則上稽厯象傍採輿議爰以土德承漢火行是憑大

易之辭用紹前王之烈禎祥累應正閏攸分不改舊章

惟新景命

一作違

屬獻歲初吉乘時布和是用展禮

一作祀

崇禋竭誠昭布

一作報

庶叶發生之序載覃雷雨之祥

一作

澤

一作皆唐大詔令

景龍三年十一月二十三日拜南郊制

內制

門下朕聞展禮禋祖昊穹著其成命就陰即陽經

一作墳

典明其大節故豺獮有祭下不隔於微品犧牲畢陳上

以先

一作老

於嚴配軒皇用事則雍旁正祠漢帝潔齊則

城南七里用

一作固

能使敬而不黷求而不匱祈穀則九

載可登焚柴則三載無闕是知上靈大德不私於亭毒

之仁正直聰明有感於馨香之荐瞻高欲語無易茲道

我高祖神堯皇帝開階立隧

一作極

配永循環機太宗文武

聖皇帝仗金策而清四方運璇機而齊七政高宗天皇

大帝與乾坤合其德與日月合其明則天大聖皇后建

補天立極之功受河圖洛書之統五精歸運四葉重光

朕虔順樂推欽承睦命紹宏基於累聖日慎斯兢執大
象於群生夙興如勵遠人殊俗占風而起一作集蠻邸美

瑞休符繫月而揮

一作輝

史筆故得三邊靜析五兵銷刃

寰宇大寧人神式序而德慙被物誠謝動天水旱尚臻

陰陽猶舛永以憂懼

一作易

無忘鑒寐然則事天事地莫

盛乎禋祀弗躬弗親孰申乎誠敬朕自臨四海于今五

年幸承祧社之靈未展郊丘之謁方今朔風候律南至

一作晷

登辰乘上日而恭饗奉高禋而肅事揚宗祖之休

命酌壇場之令典百神受職三才合契備殷薦之容行
昭報之禮豈惟靈光所燭但驗其徵方冀後先不違實
受其福至若五刑之屬十惡為重自頃恩赦罕聞該及
朕以眇身膺乎大寶下人不足每切如子之傷上帝所
臨敢逃在予之責閒居三月未弭厥憊靜念終朝載增
寅畏侑神伊始與物惟新用弘曠蕩之恩以答高明之
貺可大赦天下云云

一作皆唐大詔令

祠后土制

內制

門下朕聞大事在祀禮極于郊丘大德曰生道存乎赦
宥故至誠斯感允接神明之休盛典聿脩必敷雷雨之
施古先帝代躬祀后土所以崇兼載之功配博臨之義
有虞氏之合禘遍于山川成周氏之從祀逮于林澤西
漢汾陰之睢東洛翠媯之禪雖制無休備而道有可觀
曹馬以還數百餘制無載蓋設儀而不服或誠信而未
孚有其廢祀莫之能舉我國家受命也承百王之季啓

三統之元高祖神堯皇帝膺錄授圖繼天立極太宗文武皇帝弔人伐罪南征北怨是用拯生靈於塗炭登物態於休和高宗天皇帝維睿作聖垂衣而理大聖天后受_闕托從權當宁化治中宗孝和皇帝允恭克讓守文御寓能致刑措於變時雍朕以眇身恭荷丕構常恐政理乖中風雨愆期惕慮周於萬方疚懷深於一物幸乾坤交泰宗社降靈氣無疵癘之災物遂生成之性呼韓慕化侍子趨庭月支請職名王入貢大荒同軌瀛海

無波俯循涼德載懷寅畏故以歲首肅事禋宗爰撰令
辰親祀方澤採黃圖之舊制定累朝之前基神地取則
於禮經宥密同規於詩頌三祖登配群望畢從咸池之
舞在列合鍾之管斯陳祥風入候當乎八變之殷瑞日
揚暉屬乎三獻之始臣工助而胥悅兆庶觀以相趨精
誠克申感慶交集頃緣郊籍已肆青灾貸宥之道未應
頻降但精享云闕既曠代而方修福釐所被思寰宇之
同休疑宜因大典式暢洪恩可大赦天下

貞元元年冬至郊祀大赦天下制

陸贄

門下君天下者受命于天地繼業於祖宗致其誠心惟

敬與孝違敬莫大於廢祀虧孝莫大

集作甚

於黷神朕以

眇身屬承大統縱欲敗度浸生厲階兵連禍深變起都

邑六師播蕩九服震驚郊廟園陵陷於兇逆神人之主

將迨周星列聖大

集作之

業幾墜于

集作於

地違敬虧孝罪

由朕躬撫臨萬邦甚用自愧側身思咎庶補將來股肱

元臣比義叶德爪牙衆

集作將

士戮力同心誅

集作除

大慙

而京邑廓清翦逋寇而關河底定茲朕再與王公卿尹

洎億兆之人備其威容修其禮物薦誠清廟展敬圓丘

陳謝罪愆告情

集作憤

雪耻感慕慙惕若無所容上帝顧

懷再新景命豈伊匪

集作非

德獨荷鴻休思與普天誕膺

多福可大赦天下自貞元元年十一月十一日昧爽已

前云云李希烈僭逆不道誠所難容朕憫念蒼生務息

征討頻降

集作有

詔令許其自新若能歸降依前待之以

不死淮西管内將士官吏百姓等一切原宥與之如初

先有官封亦皆復舊如能特建功效

集作業

者當別超擢

若家口親屬在諸道者長吏撫綏各使安存其歸順百

姓仍委節度觀察刺史給空閑地任便安居優復終身

務令全

集作存

濟大事平已

四字集作待事平之後

聽歸本貫云云

自頃兗渠唱亂逆將附姦保據國都憑陵甸服朕出次

郊邑再遷巴梁險阻艱難靡不經歷暴亂之後乃彰烈

士之功憂危之中方見直臣之節錄勲進善其可弭忘

應奉天興元元年元從立功

集作扈從功臣

并收京城將士食

實封者各隨文武與一子官餘並加兩階仍賜勲兩轉

其文武百寮應扈從到興元府者五品已上賜爵一級

六品已下各加一階云云自建中四年已來有身死王

事義烈著明未經褒贈者本道即具名銜事蹟聞奏諸

道有解退官徙州府長吏功務安存仍量以空閑田地

給付

集作授

免其差役任自營生社稷之勲以輔興王業

統帥之任以總制戎麾

集作威

職弼諧

集作叅

者其德崇

授旌

集作髮

節者其功大方鎮乃國之垣翰禁衛實予之

爪牙尹京實賴於

集作其

肅清主計尤資於辦集所頒慶

澤宜越常倫司徒兼中書令晟宜與一子五品正員官

并四品階諸道副元帥各與一子五品正員官都統與

一子六品正員官中書門下平章事充節度使各與一

子七品正員官節度使及神策兵馬司六軍充節軍金

吾六軍大將軍判度支侍郎各與一子八品正員官都

團練都防禦等使京兆河南尹金吾六軍將軍殿前射

生兵馬使各與一子九品正員官多難已來三十餘載
克平禍亂屬在戎臣或節著艱難或勲高戰伐受任雖
專於惣師成功亦賴於群材懋賞推恩宜加肩嗣諸大
將功業崇高者各與一子官本使即詳定錄名

集作具
狀條錄

聞奏副元帥都統兼節度使下每道共三十人節度使
下每道共一十人都團練都防禦使下每道各十八人
如大將子孫之中有藝業優長性行純確者本道使具
狀聞薦仍量事資

集作
支

給令赴上都朕當隨材授官以

充侍衛庶使功臣之後與國無窮故尚父子儀先朝元

勲再復京邑贈太尉秀實以死為

集作衛

國節冠古今宜

各與子孫一人五品正員官自至德已後節度使大將

忠烈績効著明其後淪替

集作翳

者所司即條錄聞奏與

子孫一人正員官諸色人中應在賊中

集作廷

潛奉神主

頃已甄賞宜更優崇云云江淮轉運使檢校左僕射同

平章事韓滉勵精勤職夙夜在公漕輓資儲千里相繼

事無憊素人不告勞拯于凶灾厥有成績可進封晉國

公關畿之內連歲興戎荐屬天災稼穡不稔穀糴翔貴
蒸黎困窮倉廩空虛莫之賑贍每一興念惻然痛心宜
令度支取江西湖南見運到襄州米一十五萬石設法
搬赴上都以救百姓荒饑如山路險阻車輓集作難通
仍召貧人令其搬運便以米充腳價務於全活流庸庶
事優饒副朕勤恤立國之道始於親親所以厚骨肉之
恩弘集詔令並作明教化之本况荐經艱故宗族漂淪敦穆之
情有加常日大長公主長公主公主各與一子七品官

嗣王郡主縣主各與一子官出身如宗子中有德行才能者宗正卿具以名聞當別獎任致理之本在乎審官審官之由資乎選士將務選士之道必精養士之方魏晉已還澆風未革國庠鄉校唯尚浮華選部禮闈不稽實行學非為己官必徇人法具非精弊將安救宜令百寮詳思所宜各修議狀送中書門下叅校得失擇善而行有虞建官三載考績在漢為吏或長子孫蓋以吏久於官則人情不苟官久於事則理化有成日者制度廢

臚考課乖舛淹速靡準升降無名欲令庶僚何所懲勸

自今已後刺史縣令未經三考不得改移

集作易

自餘非

在職績効殊尤亦不得越次遷轉刺史停替須待魚書

內外五品已上及常叅官在任年考已深者即量其才

効與改中外迭處以觀其能夫明目達聰務廣聞見或

慮懷才抱器之士輸忠納諫

一作說

之倫地處幽遐無由

自達永言於此夢想不忘應諸色人有長策濟時忠規

匡主者任具陳所見詣所居之州委刺史畧與討論觀

其旨趣但有裨理道不涉私情便與附驛遞進朕當親覽自立兩稅經今六載或初定之時已有偏併或戶口

減耗舊額猶存輕重不均流亡轉甚

集作衆

委度支郎折

衷條理以恤困窮古者雖有水旱人無菜色皆由儲蓄

不匱勸導有方前代所置義倉國初亦循

集作修

其制備

灾救乏甚便於人宜即準貞觀故事天下所墾見田上

自王公下及百姓每豐稔之歲秋夏兩時州縣長官以

理勸課據頃畝多少隨所種粟豆稻麥逐便貯納以為

義倉如年穀不成即量取賑給官司但為其法勸諭不

得收作用度

四字集作收管

各集作仍

委本道逐便宜處置聞奏

敦本厚生如資播殖當今所切莫甚於斯自今後百姓

有墾闢田疇加於常歲者所加之地不得輒更徵租稅

其刺史令長考課亦以本界墾田多少為殿最今年蝗

蟲損甚

集作田

州府開春之後量給種子以便

集作便就

農功

天下應荒閑地

集作田

有肥沃

集作饒

堪置屯田處委當管

審細檢行以諸色人及百姓情願者使之營田如部署

精當收獲數多本道使刺史特加褒昇屯官等節級優賞如是逃田地本主復業即

集作並

却給還輦穀之下四

方會同供應既多難為準定急賦煩役人何以堪宜令京兆尹與度支計會長安萬年兩縣每季各先貯備錢五千貫文於縣庫收納定清翰官專知應緣卒須別索及雜供擬并工匠等縣令與專知官先須給付價錢季冬

集作終

之後申度支勘會應關和市和顧並須先給價

錢兩稅外一物已上不得科配百姓御史臺朝廷紀綱

尚書省理化根本百度得失繫乎其人自頃制勅施

集作

頒

行所司多不遵守主

詔令作王

臣奉職豈所宜然委御史

臺左右丞切糾稽違無壅朕命云云

文苑英華卷四百二十五